

# Maman!

## IDEIS PE LETURE



D. Czapiz e D. Alessio, "Autun", golaine "A ogni frUT il so librUT2", Corvino Edizioni, 2017.

## LIS AVENTURIS DI VIGJI E...


### CJÂR DIARI,

vuê e je une zornade clipe. Biel planc si svicine l'Invier e jo o soi ca, su la basse dal barcon, che o gjolt di un biel soreli autunâl. Stefania e Alessia, che a son ca cun me te cusine, a son daûr a preparâ un dolç par vie che doman une di lôr e finîs i agns. Ce che o viôt parsore de taule a son pomis di formis e di colôrs diferents: cjastinis, piruçs, cocis, miluçs. A messedin, a zontin, a gjavin, a matein cun dut ce che a cjatin: mi fasin tant ridi che mi ven fintremai di vaî!! Secont me, il mistîr dal **scaletîr** nol è fat par lôr dôs! Cumò a riducin par vie che Alessia si à dismenteade di comprâ il levan e no 'nd àn avonde pes tortis che a àn



Progjet promovût di 'Il Friuli' e 'ARLeF'

## > Tant par ridi



### INDUVINE INDUVINEL:

suntun pin a son dîs ramacis, ogni ramace e à cuatri cjastinis. Tropis cjastinis sono sul pin?

Nissune: il pin nol à lis cjastinis!

**SCALETÎR**  
UN MISTÎR TANT  
DOLÇ! CUI CHE LU  
FÂS AL PREPARE  
GOLOSEÇS, TORTIS,  
BISCÔTS. CE  
AGHEGOLE!

di fâ.

Ce simpatichis che a son! Si vuelin ben pardabon, e jo o gjolt a viodilis insiemi.

Ma o sarai ancjemò plui contente cuant che al colarà un tocuto di alc par tiere: mi

bastarès dome un fruçon di cerce! Velu velu, nancje finît di dî che al è colât!


Scuse, o scuen pardabon saludâti! No volarès che cualchidun altri mal freàs sot des mostacjis!

Une bussade, la tô gjatute



## ZÛCS


Cui lapis colorâts piture dome lis pomis e lis verduris di stagjon.



CJARIESE



CAULIFLÔR



CJASTINE



PIRUÇ

## LU SAVEVISO CHE...?

■ Tai mès de stagjon dal Autun (clamade ancje "Sierade"), la nature nus regale prodots une vore particolârs. Par esempi la trifule, che e sta sot tiere e che e je tant preziose e dificile di cjatâ. A son i cjans cuntun bon nâs che a cirin intai boscs chest fonc (si, la trifule e fâs part de famee dai foncs) a forme di patate, che al nas e che al vif sot tiere.



Maman! Une gnove stagjon cun tantis sorpresis! Us din apontament su

telefriuli



Vinars aes 5.45 sot sere

Pagjine curade di Daria Miani e dal Sportel Regjonâl pe Lenghe Furlane de ARLeF

ARLeF  
AGENZIE  
REGJONÂL  
PE LENGHE  
FURLANE